

“Mehmbwk Iqet Cengjdingj Aen Mbwn Hung”: Lanz Sauvei Boux Mehmbwk Bouxcuengh Simndei Souj Youq Bya Rungh 30 Bi

“小女人撑起大天地”: 壮族妇女蓝绍会大山深处30年的爱心守望

□ Vangz Haumingz/黄浩铭

Guh gienh saehndei he mbouj hoj, hoj dwg ndaej laebdaeb 30 bi guh saehndei. Lanz Sauvei, boux mehmbwk Bouxcuengh bingzciengz ndeu, ndangsang caengz daengz 1.5 mij, hoeng cingsaenz gvaekgvaek, guh hong ak. Boux “mehmbwk iqet” baenzneix, 30 bi lumj ngoenz ndeu souj youq mbanjbya doekgungx Guengjsae daiq gyoengq mehmbwk vut gungz、fugsah vunzlai hojnanz、raeuj sim lwgnyez louz mbanj, yungh simndei sij bien “faenzcieng hung” haengj bang vunz.

Baez Gangjgoj Ndeu Byaij Hwnj Diuz Roen Bang Vunz

Yinhcwngz Yen diegyouq cungqgyang Guengjsae, siujsaq minzczuz ciemq cungj-gyaeuvunz 94%, ndaw gyaiq haujlai dwg diegbya rinndaek, ndaej heuh baenz “gouj faen rin faen namh ndeu”, Bwzgwng Yangh Dangzdai Cunh diegyouq ndaw gyoengq goengq bya. 30 bi gonq, Lanz Sauvei dahsau Bouxcuengh he haq daengz gizneix. Seizde, gizneix bouxvunz bingzyaenz bi souhaeuj ngamq miz 200 lai maenz.

Lanz Sauvei seizde siengj: Hoj di、baeg di mbouj miz maz, cijaeu daengx ranz youq ndei、ndangcangq couh ndei lo. Hoeng gienh saeh faemxfwg fatseng ndeu gaijbienq ciuhvunz de, hawj de roxyiuj, yienzlaiz gungzhoj caeuq boihseiz, ndaej dwkloemq sojmiz gyaeunde.

Bi 1987 ndwen 5 ndawco miz haemh ndeu, Gvang Siujginz mehmbwk Mbanjsanggyahnaz Dangzdai Cunh daeuj daengz ranz Lanz Sauvei geqhaemz: Bouxgvan guh hong seiz laemx sieng laenggyaeuj, yw bae liux ca mbouj lai fanh maenz ngaenz bae cam caencik baengzyoux ciq haenx, cengqgengz louz ndaej diuzmingh, hoeng ndang canz lo. Ndaw ranz neijcienz lailai, cix daengz ndwen 5, song gvanbaz caeuq song boux lwg cij lw 6 gaen haeuxyangz.

“Seizneix fulenz miz cwngecwz, gujli mehmbwk daigvanj hwngfat dajndaem, gou bang mwngz bae bauq, ndaej gvaq hojnanz gonq.” Lanz Sauvei nai Gvang Siujginz.

Gvang Siujginz dingq le cij gangj coenz ndeu, “cej Sauvei, gou caen gvaq mbouj roengzbae lo. Mwngz simndei baenzneix, song boux lwg gou suenq miz gouq lo.” Yienzhaeuh couh caeuq Lanz Sauvei doxbiek bae.

Gvang Siujginz byaij ok dou doeklaeng, Lanz Sauvei dauqsiengj coenz vah de gangj haenx, cungj roxnyinh mbouj ndei, buet riengz ok dou raen Gvang Siujginz gaem bingz ywgajnon ndeu, cingq yae ndoet roengzbae. Lanz Sauvei ciengj dawz bingz ywgajnon doek byoek youq gwnz namh, Gvang Siujginz caiq hix nyaenx mbouj ndaej raemxda, maeuq youq diegnamh daejnga’nga hwnjdaeu.

“Dou gizneix reihnaz noix, doeklaeng gungzhoj, gungzhoj dwg goengq byahung at youq gwnz ndang haujlai vunz. Ginggvaq gienh saeh neix doeklaeng, gou roxnyinh aeu guh di saeh swheij rengz guh ndaej daengz de, bang gyoengqvunz henzgyawj.” Lanz Sauvei naeuz.

Lanz Sauvei hainduj gaghag dinfwngz, baengh gij ngaenz daigvanj 2000 maenz sinyungse fat haenx, ndaem gonengznuengx ciengx nonsei baenz le, bienqbaenz ndaw mbanj haemq noix vunz baenz miz ndawde boux ndeu. Ndae senj baenz fudaivei cujyin doeklaeng, Lanz Sauvei youh dawz gij gingniemh dajndaem dajciengx swheij son’gyauq hawj mehmbwk gyang mbanj, gaenxmaenx lienzhaeh daigvanj, daiqdoengh caezgya baenz fouq.

Seizneix, aen hezvei mehmbwk ciengx nonsei Lanz Sauvei daiqlingx mehmbwk laebbaenz haenx gaenq hwngfat daengz 1000 lai boux, caemhcai



▲ Lanz Sauvei buenx gyoengq lwgnyez guhcaemz.

saedyienh guh ciengx gai cienzbouh fugsah, aen hozcozse ranzungzhoj ciengx vaiz Lanz Sauvei laebbaenz haenx hix miz le itdingh gveihmoz, Dangzdai Cunh hix baenz le ndaw yangh aen mbanj cei q caeux vut gungz ndawde aen ndeu.

Simndei Simndat Giendingh Aen Sim Guh Saehndei

Gyoengq vunzlai miz rengz guh hong menhmenh baenz fouq lo, gyoengqvunz nyiegseij baenz le gij gvaqsim cei q hung Lanz Sauvei.

Bi 2005 ndwen 9, 8 boux bouxlaux gadog Yinhcwngz Yen Bwzgwng Yangh Dangzdai Cunh buen haeuj le “mbanjvujbauj” ndaw mbanj hwnj moq haenx, hoeng cunhveij cix itseiz ra mbouj ndaej boux habngamj bae ciuqgoq doenghgi vunzlaux neix. Caezgya cingq nanz guh seiz, Lanz Sauvei saek di hojnanz mbouj lau rap dawz gienh “sah mazfan” neix, bae “mbanjvujbauj” ciuqgoq bouxlaux.

Seizde “mbanjvujbauj” ngamq laeb, sezsih caengz gaeuq ndei. Vihliux hawj gyoengq bouxlaux youqndei di, Lanz Sauvei gag ok cienz cawx daengqsahfaz、densi daengj. “Mbanjvujbauj” diegyouq sang, ciengzseiz mbouj miz raemx, Lanz Sauvei ngoenznaengz gienh saeh daih’it couhdwg bae daengz dieg 100 lai mij haenx rap raemx daeuj hawj gyoengq bouxlaux, ngoenznaengz cungj aeu rap 10 rap doxhwnj cij gaeuq gyoengq bouxlaux ngoenznaengz yungh.

Cawz le ciuqgoq bouxlaux gadog, hohleix lwgnyez louz mbanj dwg gij hong Lanz Sauvei guh cei q lai de. Neix aeu gangj daj gienh saeh bi 2013 ndwen 7 fatseng haenx.

“Ndwen 7 ngoenz 2, yangh dou miz 3 boux lwgnyez youq mbouj doengz dei q doek raemx dai lo, cungj dwg lwgnyez louz mbanj.” Lanz Sauvei naeuz, ndawde miz bohme song boux lwgnyez daj dieg dajgoeng ganj dauqma doeklaeng, gvih youq henz seihaiz lwgnyez daejnga’nga, naeuz “daxboh daxmeh caiq hix mbouj lizhai sou lo, sou vaiq singjsingj ha.” Ciengzmienh hawj vunz sim in.

Lanz Sauvei roxnyinh gij vwndiz lwgnyez louz mbanj aeu hawj gwnzbiengz gvansim engq lai, boihseiz baenzneix mbouj wnggai caiq fatseng. Cingq ndei seizde baihgwnz bumwnz youq Dangzdai Cunh laeb le aen “gyaranz lwgnyez louz mbanj” he, yawjraen gizneix giepnioix bouxguenleix, Lanz Sauvei youh cawjdoengh dang hwnj “daxmeh simndei” 40 lai boux lwgnyez louz mbanj. Daengz ngoenzciet caeuq ngoenzsinghgiz, de couh youq gizneix son gyoengq lwgnyez roq gyong、vehveh, daiq gyoengqde guh gak cungj hozdung, lij bang gyoengqde cawj haeux、fong buhvaq, lienz boux-

guenleix ndwennaengz ndaej 200 maenz boujdiep de hix yungh haeuj “gyaranz lwgnyez” bae.

Lanz Sauvei daiqlingx 50 lai boux vunz ndaw mbanj gag gapbaenz “doihfugsah simndei”, leihyungh bonjsah swheij vih lwgnyez louz mbanj haiguh gak cungj beizyin mizyinx. Vunzmbanj Danz Menzvah naeuz: “Lanz Sauvei fouzsei okrengz gamjdoengh le gyoengqvunz henzgyawj, gou hix daeuj bang baetsauq gyaranz lwgnyez, gyaigeiz banringz cawj haeux hawj lwgnyez gwn.”

Itloh Guh Yungh Simndei Raeuj Ranz-gungzhoj

Vunzmbanj Lanz Siujmei dwg bouxndangcanz, bouxgvan ndang miz binghnaek, saedceij gvaq ndaej hojnanz. Ranz laeuh dauq bungz fwn daengx hwnz, bi 2013 ndwen 3 ngoenz 18, dangdieg roengz le ciengz lwgbag hung he. Byongh hwnz seiz gaiq lwgbag hung lumj gaemxgienz neix dub doek roengz dingj ranzsuijniz bae yiengj bwngbwng. Lanz Sauvei siengj hwnj Lanz Siujmei ndaw mbanj dandog ranz ndeu lij youq ranzvax, dang de soemh lwgbag ganj daengz ranz Lanz Siujmei, yawjraen lwgbag gaenq dub vaih vax ranz de liux lo, daengx ranz sam boux gutgungq youq yiemhranz saenzdedded.

“Siujmei cuengqsim, miz gou youq couh mbouj hawj mwngz dai iek.” Lanz Sauvei cieq Lanz Siujmei camhseiz bae ranz swheij youq, bang Lanz Siujmei bauq cijbyauh gaijguh ranz vaih, swheij youh gien le 10000 lai maenz, lij siengj banhfpap lienzhaeh fulenz、vwnzmingzban daengj bumwnz guh bangfuz, doeklaeng hwnj le aen ranzsuijniz song caengz he.

Aen ranz hwnj ndei mbouj nanz, bouxgvan Lanz Siujmei bingh dai, Lanz Sauvei youh rap dawz gij cwzyin ciuqgoq Lanz Siujmei, vih de cawx byaek cawj haeux, doihfugsah simndei ndaw mbanj raen le, hix gag doxlwnz bae ciuqgoq Lanz Siujmei.

Gangj daengz Lanz Sauvei gij ginglig guh saehndei doengh bi neix, bouxgvan Lanz Sauvei Danz Gveiminz naeuz, ngamq hainduj hix miz gvaq mbouj doxrox, hoeng raen de ndaej saedyienh gyaciz bonjfaenh. Ndae bang vunz dauqcungz laeb hwnj saenqsim, swheij hix menhmenh ciepsouh lo, gij fuengsik swheij haeujcoengh de couhdwg aeu hong ranz guh liux bae, hawj de sim onj bae guh gij saeh siengj guh haenx.

Gyoengq beixnuengx Bwzgwng Yangh doiq Lanz Sauvei engq dwg haenh mbouj dingz, ranzungzhoj Bwzgwng Cunh Lanz Yefungz naeuz, 20 lai bi gonq swheij ndaej daengz Lanz Sauvei daiqlingx ndaem gonengznuengx ciengx nonsei, hwnj ranz le. Bouxgvan caeuq song daeg lwg Lanz Yefungz lienzdaemh gvaqsei, Lanz Sauvei youh ciengzseiz gvaqbae camnai, cawx haeuxsan soengq youz, “caen dwg beij caencik lij caen”.

Gij saeh Lanz Sauvei fouzsei okrengz guh, haengj bang vunz ndaejdaengz haujlai vangjyouj haenhndei, haenh de dwg “mehmbwk iqet cengjdingj aen mbwn hung”. Lanz Sauvei ndaej senj haeuj “mbaw buengj vunzndei Cungguk” Cungguk Vwnzmingz Vangj, gonqlaeng ndaej gvaq aen cwngeuh bouxgeizhoengz sam bet daengx guk nem daengx guk lauzmoz daengj.

Doiq gwnzbiengz haenh de baenzneix, Lanz Sauvei roxnyinh swheij cij guh le di saeh’iq, seizneix de youh aeu goengrengz guh daengz cingcinj bangfuz, soengq gij raeuj bae hawj ranzungzhoj, “gyoengqvunz nyiegsei haujlai cungj dwg ranzungzhoj, gou ciengzseiz gujli gyoengqde laeb aen sim vut gungz, vunz gungz cei q mbouj gungz, aeu baengh song faj fwngz swheij roengzrengz haenqguh, bae caux gij saedceij engq gyaeunde de.”